

Mbanjcuengh Aen Lwgmanh-dingjmbwn Hoengzsensen

壮乡村里一个火红的指天椒

——Geiq Vujsenh Yen Dungzlingj Cin Vujhoz Siujyoz

□ Ganh Sozvwz Vangz Meiginz Veiz Gyahmeiz



▲ Hagseng angqyangz hag Sawcuengh.

◀ Swcigih Gyaayuzdingh Minz-gyau cuangj Veiz Lanzmingz (swix sam) bae ndaw hag cunzyawj.



▲ Hagseng guh diyyuz doxdax ndaejhingz angqyangz lingxciengj.



▲ Hagdangz moix bi cungj banh diyyuz yindungvei.

Vujhoz Siujyoz youq ndaw Mbanjnazduh dieg baihnaz Dungzlingj Cin neix, liz aenhaw Dungzlingj mbouj gyae, 1956 nienz 9 nyied laebbaenz, seizneix dwg aen vanz-cienz siujyoz ndeu, banh miz 1 daengz 6 nienzgaep 6 aen ban, gungh 208 boux hagseng, hagseng daj 6 aen mbanj daeuj. Daengx hagdangz miz 12 boux lauxsae, ndawde miz song boux dwg Sawcuengh lauxsae.

Vujhoz Siujyoz mbouj gvangq, ciemq dieg ngamq 5527.3 bingz-fuengmij, suenhag haemq iq. Hoeng, aen hagdangz iq neix mbouj bingzciengz! Miz hagseng ndaej daengx gih gangj gojgaeq Vahcuengh biucinj doxdax ngeihdaengjciengj gvaq. Vunz gwnz mbanj cungj haenh aen hagdangz iq neix, haenh de dwg Mbanjcuengh "aen lwgmanh-dingjmbwn hoengzsensen".

Vujhoz Siujyoz banhhag seizgan yienznaeuz nanz, hoeng, haiguh Cuengh Gun song saw vah sonhag ngamq daj 2013 nienz 9 nyied hainduj.

Vujhoz Siujyoz dawz "banhhag ceiq ndei, sonhag ceiq ndei, bohranz cuengqsim, sevei muenxeiq" guh muzbyauh banhhag, dawz daezsang cizlieng sonhag guh haedsim, haenqsim guh ndei guenjieix, dawz suenhag banh ndaej minzcuз daegsaek noengqnat, sonhag cizlieng mboujduenh daezsang.

Seizneix, Vujhoz Siujyoz laemxsim guh godangz yaugoj ndei gajgwz, haenqrengz guh Cuengh Gun song saw vah sonhag, beizyangj hagseng cienzmienh fazcanj. "Gaenx guh couh ndaej souhaeuj lai", Vujhoz Siujyoz saeseng caezsim roengzrengz, gak fuengmienh cingzciengj cungj haemq

ndei. Dungzlingj Cin moix aen haggeiz guh sonhag cizlieng genjcwz, Vujhoz Siujyoz cungj baiz baihnaz daengx cin. 2013 nienz caeuq 2014 nienz, roekniengzgaep hagseng camgya Laizbinh Si siujyoz bizyez suijbingz caeksawq, gonqlaeng cengndaej daengx yienh itdaengjciengj caeuq ngeihdaengjciengj. 2013 nienz bingz ndaej Laizbinh Si yivu gyaayuz ciengzgi guenjieix youhsu hagdangz; doengz bi youh bingz ndaej "lauxsae cwngzcangj nienz" caeuq "ndwen gyaez gohyoz" senhein cizdij.



▲ Gyoengq hagseng angqvauvau byaij hauej ndaw hagdangz.



▲ Laeuz sonhag hagdangz gvaundeiz raeuh.

► Vangz Meiginz lauxsae hwnj dangz goa Sawcuengh.

Daegbied ndaej daengz vunzlai haenh ndei dwg, Vujhoz Siujyoz 2013 nienz ngamq hainduj guh Cuengh Gun song saw vah sonhag, 2014 nienz dah hagseng Hoz Gveiyinz camgya daengx gih gangj gojgaeq Vahcuengh biucinj doxdax cengndaej ngeihdaengjciengj.

Yaucangj Cinz Sannaz youq gwnz daihoih daengx hagdangz gangj: "Vujhoz Siujyoz raeuz youq Mbanjcuengh, Cuengh Gun song saw vah sonhag gig hab hagdangz raeuz, raeuz itdingh aeu laemxsim guh roengzbae, guh ndei bae!"



▲ Hagseng sam nienzgaep camgya bi 2015 daengx gih goh Sawcuengh caeksawq.

◀ Hagseng camgya daengx gih Vahcuengh biucinj gangj gojgaeq doxdax ndaej ngeih daengj ciengj.

